

內閣文庫			
三五函	一八六八	和	
三八架	四八三	書	
	冊號	類	

高林取書

類抄

內閣文庫	
番號	和 18683
冊數	48 (25)
函號	217 47




甘雨亭叢書

第四卷

甘雨亭叢書

卷之四



第四集

甘雨亭林取書

安中板倉氏開雕

中央研究院藏

甘雨亭叢書

第四集

甘雨亭叢書

第四集

淺草文庫

尚書學 一卷

孝經識 一卷

孟子識 一卷

帝王譜略國朝記 一卷

東涯漫筆 二卷

奧州五十四郡考 一卷

南嶋志 一卷

甘雨亭叢書

目錄

赤穂義人錄後語 一卷

修刪阿彌陀經 一卷

助字雅 一卷

尚書學

物部茂卿

徂徠荻生先生傳

先生諱雙松字茂卿江戶人號徂徠又護園父篤或作景明

號方菴為幕府醫員母兒島氏生三子先生其中子

也先生臨生其母夢有人挿雙松於門因以為名後有

所避以字行中世居三河荻生因氏焉其系以出于大

連物部守屋自稱物茂卿先生為兒岐嶷五歲識字十

歲能屬文延寶元年方菴坐事竄南總先生時年十四

從而南遷流落窮鄉既之書籍又無師友偶緝舊篋得

其大父所手抄大學諺解一冊熟讀玩味從此該貫群

籍。執志彌固。居一紀。遇赦與父同還。方菴復醫官。以第
三子觀爲嗣。於是先生下帷芝浦。教授自給。家極貧窶。
不以爲憂。甲斐侯柳澤吉保聞其名。辟掌書記。當是時。

常憲公亟臨侯第。令其家臣進講經書。輒有賞賜。而先
生爲之魁。侯好編修。先生每爲總裁。累益食祿。至五百
石。時伊藤維楨倡古學於平安。力排程朱。先生乃著護
園隨筆。以護袒洛閩。既而讀李王之書。有所感發。盡廢
舊學。而治古文辭。及成。益知其舊所爲之文非是。因歎
曰。豈惟我哉。滔滔者。天下皆是也。豈惟今日哉。千古以

來。皆是也。遂不復屬目於東漢以後書云。先生又嘗言。
道者文章而已矣。六經亦是物。舍是而他求。後儒所以
不知道也。所著論語徵。辨道。辨名等書。痛駁宋儒詆譏
思孟。務創立門戶。自稱復古學。安藤煥圖山縣孝孺服
部元喬平野玄中之徒。從而鼓舞之。聲名籍甚。震撼一
時。海內翕然風靡。文藝爲之一新。先生學甚博。才甚富。
尤長經濟。若夫軍旅法津音樂象胥等技。莫不精覈。是
皆其緒餘而已。享保六年。

有德公命先生。使句讀六諭行義。成。召入賜衣服。後數

以文學應教。十二年四月再召見。翌年正月十九日。以病卒。年六十三。是日天大雪。時已屬續。謂其人曰。海內第一流人物。茂卿將終。天爲使此世界銀也。其豪邁自負如此。先生無子。養兄子道濟爲嗣云。

論曰。先生以天挺之才。穎邁之資。立一家言。張皇門戶。海內風靡。文藝爲之一變。國家文運之開。先生偶與其氣數會也歟。不然。安見今日之盛哉。若夫學術。天下公論。自有在焉。姑置不論。其最可議者。謂西土爲中華稱。吾邦爲東夷。且其出處不慊人意。要之功罪不相掩矣。兩伯陽曰。先生博學文章。天下無雙。唯憾大本不立耳。嗚呼。可以爲先生之鍊案也夫。

安中城主板倉勝明子赫撰

尚書學

徂徠物茂卿著

書者。帝王之大訓也。孔子曰。畏聖人之言。是之謂也。易
 大傳曰。書不盡言。言不盡意。然則聖人之意。其不可見
 乎。書之為聖人之言者。審矣。古之教。詩書禮樂。詩存乎
 諷詠。而禮樂事焉。書唯是已。故是唯曰書。及於後世。書
 五車。而後加之尚。以別焉。尊聖人之言也。古者學為士。
 將仕以從政。行先王之道。是之謂行其義也。夫知聖人
 之言。義莫備焉。道之所在也。夫書者。義之府也。則舍是

而何求哉。故子路曰。有民人焉。有社稷焉。何必讀書。然後學爲。則孔子惡焉。莊周曰。書道政事。爲是。故戴氏記曰。疏通知遠。書教也。謂學書者之可從政也。夫聖人之思深矣哉。聖人之言富矣哉。一言而天下之大事變之無窮。人情之曠盡之矣。然後建以爲義。俾學焉以從政。苟非疏通知遠者。其孰能與於此。是故讀書而不達先王之義。其窮必至於誣也。段如燕噲之放堯舜。倫湯武。秦政豈不然乎。故曰。書之失誣。謂弗思也已。在孟子時。距孔子百有餘歲。猶曰。盡信書不如無書。則後世傳者。

不知先王之道爲安天下而設焉。乃惑性善以陷於內。聖外王之說。妄意取諸其臆。以爲義。藉此而土苴政事。弁髦禮樂。堅白之辯是務。求輔頰舌以成人。淺俗所移。遂熹傳記之易讀。而謂書樸學也。舍而弗學。誠其所也。甚乃至於諉之古文晚出。一切貶黜以爲侮。豈不誣聖人之言乎。悲哉。不佞茂卿慨其如此。所苦者。道之與世污隆也。世載言以遷。詰屈聱牙。不唯盤庚。伏生之耄囁。嚚也。鼂錯授諸幼嬾之口。科斗廢久。而安國意擬其文。似。豈無訛文誤字於其間乎。漢之韻其學者數家。而孔

氏獨傳較諸宋人之解猶爲不失古意今且本其說參之諸書微以古言至於先王之道與義則折衷於論語先聖後聖其揆一也雖然茂卿不佞亦唯解其可解已非曰能之願學焉茂卿之志也故名之曰學後之君子其教之哉

虞書馬融鄭玄王肅別錄題皆曰虞夏書左傳莊八年引臯陶邁種德僖二十四年引地平天成二十七年引賦納以言襄二十六年引與其殺不辜寧失不經皆以爲夏書蓋以下闕

孝經識